



# BOSNA I HERCEGOVINA

## I.P.A. INTERNATIONAL POLICE ASSOCIATION MEĐUNARODNO POLICIJSKO UDRUŽENJE REGIONALNI KLUB SARAJEVO

Poštovani,


Ovim putem Vas Planinarsko društvo Javorina iz Pala i International Police Association, RK Sarajevo, kao partner projekta, pozivaju na prvo izdanje Jahorina Ultra Traila. Riječ je o događaju u okviru kojeg će se 01.08.2015. godine održati četiri trke a staze kojima će se trčati povezuju Jahorinu s drugim dijelovima BiH na način da je cilj svim trkama na istom mjestu na Jahorini dok je startni prostor na različitim lokacijama. Staze duge 10, 35, 51 i 114 km povezuju olimpijsku planinu sa **Sarajevom, Romanijom i Višegradom** i nude jedinstven doživljaj netaknute prirode, kulturno-istorijskog i graditeljskog naslijeđa. Svaka priča svoju priču i u jedinstvenom slijedu otkriva različite epohe, prirodne ljepote, znamenitosti poput **Bašćaršije**, Kozje ćuprije, pruge uskog kolosijeka koja je spajala Sarajevo i Višegrad, lokalitete sa stećcima i arheološkim iskopinama, most Mehmed-paše Sokolovića, Andrićgrad. Planirane su sljedeće dužine staza, njihove startne pozicije, vrijeme starta i vremenski limiti:

| Naziv trke | Dužina | Uspon cca. | Mjesto starta | Vrijeme starta | Vremenski limit |
|------------|--------|------------|---------------|----------------|-----------------|
| ULTRA***   | 114 km | 4500 m     | Višegrad      | 00:05          | 33h             |
| MAXI*      | 51 km  | 2000 m     | Romanija      | 07:00          | 15h             |
| MIDI       | 34 km  | 1200 m     | Bašćaršija    | 09:00          | 11h             |
| MINI       | 10 km  | 300 m      | Jahorina      | 11:00          | 3h              |

**ULTRA i MAXI staze su sertifikovane kod Međunarodne asocijacije za trail trčanje (ITRA). Ultra nosi 3, a MAXI 1 kvalifikacijski bod. Obje su kvalifikacijske za "Ultra-Trail du Mont-Blanc®" 2016**

Zbirno mjesto je Jahorina sa koje će organizator obezbjediti prevoz učesnika do startnih lokacija gdje je prije početka trke planirano kraće razgledanje, poslužjenje i tehnički sastanak s koordinatorom trke. Dužinom staza učesnike čekaju bogate okrepne stanice a u cilju zajednički ručak. Organizator je za sve učesnike obezbjedio poklon-bon za panoramsku vožnju šestosjedom do vrha **Ogorjelica** sa kojeg mogu uživati u pogledu na **Trebević, Treskavicu, Romaniju, Visočicu, Bjelašnicu**.

Ujedno, pozivamo sve policijske službenike i članove IPA-e da uzmu učešće na nekoj od trka uz napomenu da trka nazvana Midi ima kategoriju „policija/vojska“. Za učešće je neophodno izvršiti registraciju putem stranice **www.jahorinatrail.com** a potom uplatu kotizacije s popustom od 20% odobrenim za članove IPA-e, izvršiti najkasnije do 25.07.2015. godine. Za dodatne informacije, obratite nam se na broj telefona **+387 65 922 722** ili putem e-maila: **info@jahorinatrail.com**.



Predsjednik IPA Sarajevo  
Predrag Simeunović

SERVO PER AMIKECO

©  
by  
IPA 1974

